

Fasnacht 2013



**KNOCHESTAMPFER
WAGGIS**

SIT 1972

Dr Urknall im Lützelhof

Heil Dir Helvetia, voller Luscht
gnallts und däschts am erschten Auguscht
und schreit emool ain «Fürio!!»
kai Angscht, unsri Fyyrweer, die isch doo ...
«Fyyrweer» – s Wort isch nit so schwär
kunnt aber au vo «Fyyre» häär
und drum sotts e jede spyyre
d Fyyrweer wott au sälber fyyre
und drum duets ere au gfalle
wenns bym Fyyre au duet gnalle ...
denn jede rächte Fyyrweermää
muess sy aigene Gracher haa
und lösche muess en, s isch dr Bruuch
jede mit sym aigene Schluuch ...

D Sicherhait z Basel isch nie in Gfoor
es syg denn, d Fyyrweer stoot am Rohr
und jaggd - in dr Mainig, dass alles verpufft
kurz dr Lützelhof in d Luft
denn die Heiligen von Sankt Florian
zünden sich grad selber an
Dr Gnall isch gross - und d Fraid isch kurz
die Bombe isch kai Frauefurz
will d Fyyrweermännli yberborde
isch us däm Furz – dr Urknall worde.

